

# Cé a Fhaigheann Cuidiú agus Cén Dóigh?

## Lorg cuidithe le do bhille a íoc

Tá níos mó dóigheanna ná riamh ann le cuidiú a fháil le do bhille rátaí tí a íoc. Is féidir go mbeidh cuidiú ar fáil, mar shampla

- Má tá tú ar theacht isteach íseal
- Más pinsinéir thú i do chónaí leat féin agus tú 70 nó os a chionn
- Más duine le míchumas tú féin nó duine eile sa teaghlach
- Más mac léinn lánaimseartha thú nó má tá tú in oiliúint lánaimseartha
- Má tá tú faoi 18
- Más duine óg ag teacht amach as cúram thú

Má fhaigheann tú an cuidiú seo ní chuirfidh sé isteach de ghnáth ar aon sochar Leasa Shóisialta a fhaigheann tú. Tá tuilleadh eolais sna paragraif a leanas ar na scéimeanna faoisimh, cé hiad na daoine ar chóir dóibh iad a iarraidh, agus an dóigh le foirm iarratais a fháil.

Má iarrann tú cuid ar bith den chuidiú seo caithfidh tú do bhille rátaí a íoc fad atá tú ag fanacht le cinneadh. Má éiríonn le d'iarratas íocfaimid aon mhéid de bharraíocht a d'íoc tú.

## Sochar Cóiríochta agus Scéimeanna Faoisimh Rátaí dóibh sin atá ar theacht isteach íseal

### Sochar Cóiríochta

Má tá tú ar theacht isteach íseal, nó má fhaigheann tú

- Fordheontas Ioncaim
- Liúntas Cuardaitheora Poist Bunaithe ar Ioncam
- Creidmheas Pinsin

Agus tá níos lú ná £16,000 i gcoigilteas agat, b'fhéidir go mbeifeá in ann cuidiú a fháil tríd an Scéim Sochair Cóiríochta. Má iarrann tú Sochar Cóiríochta agus nach n-éiríonn leat, féachfaimid an mbeifeá in ann cuidiú a fháil tríd an Scéim Faoisimh Rátaí.

### An Scéim Faoisimh Rátaí

B'fhéidir go gcuideodh an scéim seo

- Má tá tú ar theacht isteach íseal
- Más pinsinéir thú agus coigilteas níos lú ná £50,000 agat
- Mura bhfuil tú ag fáil Sochar Cóiríochta ach ar chuid de do bhille rátaí
- Má tá tú díreach taobh amuigh den teorainn ioncaim ina bhfaighfeá Sochar Cóiríochta

Nuair a iarrann tú Sochar Cóiríochta agus Faoiseamh Rátaí breathnaímid do chúinsí. Is iad d'ioncam, do choigilteas, méid na rátaí a íocann tú agus cé acu a chónaíonn tú le daoine eile nó nach gcónaíonn, a shocróidh an bhfaighidh tú cuidiú agus méid an chuidithe a gheobhas tú.

### Fáil fhoirm iarratais Shochar Cóiríochta agus Fhaoiseamh Rátaí

Más leat do theach agus má chónaíonn tú ann

- Cuir scairt ar an chabhairlíne 0845 300 6360, minicom 0845 300 6361
- Íoslódáil an fhoirm a theastaíós ó [www.helpwithratesni.gov.uk](http://www.helpwithratesni.gov.uk)
- Tóg an fhoirm ag ceann dár n-oifigí ceantair

Má tá d'áit chónaí ar cíos agat

- Gabh i dteagmháil leis an Fheidhmeannas Cóiríochta 08448 920902
- Gabh chuig oifig áitiúil an Fheidhmeannas Cóiríochta
- Íoslódáil an fhoirm ó [www.nihe.gov.uk](http://www.nihe.gov.uk)

## **Liúntas Pinsinéara Aonair**

Liúntas úr é seo, ar fáil ó 1 Aibreán 2008.

Má pinsinéir thú, 70 nó os a chionn agus tú i do chónaí leat féin (gan aird ar rudaí áirithe) b'fhéidir go mbeifeá i dteideal laghdú 20% i rátaí. Chaithfeá foirm iarratais a líonadh amach. Má tá tú i dteideal laghdú a fháil feidhmeofar sin i do bhille rátaí i ndiaidh asbhaint faoisimh eile rátaí a bhfuil tú ina dteideal.

## **Fáil fhoirm iarratais Liúntas Pinsinéara Aonair**

Más leat d'áit chónaí agus tú i do chónaí ann:

- Scairt ar an chabhairlíne 0845 300 6360, minicom 0845 300 6361
- Íoslódáil an fhoirm a theastaíós ó [www.helpwithratesni.gov.uk](http://www.helpwithratesni.gov.uk)
- Tóg an fhoirm ag ceann de na hoifigí áitiúla againn

Má tá d'áit chónaí ar cíos agat

- Gabh i dteagmáil leis an Fheidhmeannas Cóiríochta ar 08448 920902
- Gabh isteach in oifig den Fheidhmeannas Cóiríochta
- Íoslódáil an fhoirm ó [www.nihe.gov.uk](http://www.nihe.gov.uk)

## **Liúntas Daoine le Míchumas**

Má tá míchumas ort, nó ar dhuine ar bith eile de do theaghlach, agus má fhreagraíonn tú d'éilimh na scéime seo, b'fhéidir go mbeifeá i dteideal laghdú 25% ar do bhille rátaí. Féadann tú iarratas a chur isteach má tá áiseanna i de theach a fhreastalaíonn ar riachtanais duine i do theaghlach ar a bhfuil míchumas. Mar shampla, is féidir gur thóg tú seomra folctha thíos staighre, nó go dteastaíonn tuilleadh fairsinge sa teach d'úsáid chathaoir rothaí.

## **Cuidiú le rátaí do dhaoine san oideachas lánaimseartha, in oiliúint lánaimsearta, faoi 18 nó ag teacht as cúram**

Más mac léinn lánaimseartha thú, má tá tú in oiliúint lánaimseartha, faoi 18, nó i do dhuine óg ag teacht as cúram, b'fhéidir nach gcaithfeá rátaí ar bith a íoc fad atá tú i do chónaí leat féin nó i sealúchas ina bhfuil gach duine eile i gceann ar bith de na grúpaí sin.

Ar na cúrsaí agus an oiliúint a thiocfadh faoin scéim seo tá –

- Staidéar lánaimseartha ar choláistí breisoideachais
- Cúrsaí lánaimseartha céime

- Oideachas lánaimseartha iarchéime
- Oiliúint tosaigh múinteoireachta lánaimseartha
- ADN lánaimseartha
- Cúrsaí lánaimseartha banaltrachta

Más tiarna talaimh sealúchais thú nach bhfuil ina gcónaí ann ach daoine i gceann ar bith de na grúpaí thuas, b'fhéidir go mbronnfaí an faoiseamh rátaí seo maidir le do chuid tionóntaí. Chaithfí a shochar seo a sheachadadh chucu, i dtáille laghdaithe cíosa, mar shampla.

## **Foirmeacha iarratais**

Le foirm iarratais do na scéimeana seo a fháil

- cuir scairt ar an chabhairlíne 0845 300 6360, minicom 0845 300 6361
- íoslódáil an fhoirm ó [www.helpwithratesni.gov.uk](http://www.helpwithratesni.gov.uk)
- tóg foirm ag ceann ar bith dár n-oifigí áitiúla

## **Comhairle ar mhodhanna íocaíochta**

Fiú mura dtig leat cuid ar bith den chuidiú a luaitear sa bhileog seo a fháil, féadann tú dul i dteagmháil linn ar an uimhir thuas maidir le comhairle ar réimse modhanna íocaíochta, dochar díreach mar shampla, a chuideodh leat costas do bhille a scaradh. Mura dtig leat do bhille a íoc, déan teagmháil láithreach linn. Bímid i gcónaí toilteanach éisteacht agus teacht ar réiteach inghlactha íocaíochta leat. Fanfaidh an plé eadrainn ina rún.